



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Physical Planning Construction and  
Environmental Protection

Broj: 05-05-15502-25/19 RA  
Sarajevo, 21.06.2019. godine

**SKUPŠTINA KANTONA SARAJEVO**

**- o v d j e -**

**n/r Elmedin Konaković, predsjedavajući**

**PREDMET:** Dostava dopune odgovora na zastupničko pitanje – zastupnik Senad Hasanović

Zastupnik u Skupštini Kantona Sarajevo, Senad Hasanović, na Sedmoj Radnoj sjednici Skupštine Kantona Sarajevo, održanoj dana 17.04.2019. godine, u okviru tačke Dnevnog reda "Poslanička/zastupnička pitanja, inicijative i odgovori", uputio je zastupničko pitanje (zaprimljeno u Ministarstvu 23.04.2019. godine), kako slijedi:

*"Da li ste upoznati sa zagađenjem Potoka Vihrica u Općini Hadžići, te da li se poduzimaju adekvatne mjere i radnje u cilju saniranja onečišćenja i sprečavanja da se ista ponove.*

**OBRAZLOŽENJE:**

*Potok Vihrica u Općini Hadžići posljednjih nekoliko dana mirisom i izgledom podsjeća na kanalizaciju. Stanovnici hadžićkih naselja Kućice i Grivići su zabrinuti za zdravlje, a prema njihovim riječima niko ništa ne poduzima da se opasnost ukloni. Iz Općine Hadžići su nakon obilaska ovog područja sugerisali stanovnicima da u momentu protoka uočene nečistoće, uzmu uzorak i dostave općinskoj inspekciji, koja će taj uzorak dalje proslijediti na analizu da bi se utvrdio uzrok onečišćenja. Na području ovih naselja je evidentiran i veoma neugodan miris iz okolnog postrojenja za proizvodnju hrane za ribe koje se nalazi u krugu Tehničkog remontnog zavoda u Hadžićima. Sama pojava ove nečistoće utiče i na floru i faunu, obzirom da je na području općine Hadžići na lokalitetu gdje se ulijeva potok Vihrica u rijeku Zujevinu evidentirano i par pomora ribe. U prilogu dostavljamo i fotografije sa pomenutih lokacija."*

**DOPUNA ODGOVORA:**

U prvobitnom odgovoru broj 05-05-15502-25/19 od 13.05.2019. godine Ministarstvo prostornog uređenja, građenja i zaštite okoliša je navelo, između ostalog, da je zastupničko pitanje prosljedilo Kantonalnoj upravi za inspeksijske poslove - Inspektoratu poljoprivredne, vodne i šumarske inspekcije, imajući u vidu karakter problema, kao i Federalnoj upravi za inspeksijske poslove, s obzirom da je Federalno ministarstvo okoliša i turizma izdalo okolinsku dozvolu za postrojenje za



proizvodnju hrane za ribe koje se nalazi u krugu Tehničkog remontnog zavoda. U međuvremenu su dobijene informacije o postupanju kantonalne i federalne inspekcije u ovom predmetu, a koje dostavljamo u prilogu kao dopuna odgovora Ministarstva na zastupničko pitanje.

S poštovanjem,

Prilog:

- Informacija Kantonalne uprave za inspekcijske poslove broj: UP-1-14-04-25-09718/19 od 29.05.2019. godine
- Odgovor Federalne uprave za inspekcijske poslove broj: UP1-14-25-2-04012/2019-14032 od 07.06.2019. godine

MINISTAR

~~Danir Filipović, MA prava~~



Dostaviti:

- ☞ Naslov
- Vlada Kantona Sarajevo, ovdje (na znanje)
- Evidencija
- a/a



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031  
Sarajevo, Reisa Džemaludina Čauševića 1



Bosna i Hercegovina  
Federacija Bosne i Hercegovine  
**KANTON SARAJEVO**  
Kantonalna uprava za inspekcijske  
poslove




Босна и Херцеговина  
Федерација Босне и Херцеговине  
**КАНТОН САРАЈЕВО**  
Кантонална управа за инспекцијске  
послове

57411  
U384  
922

Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Administration for Inspection Issues

Broj: UP-1-14-04-25-09718/19  
Sarajevo, Maj 29. 2019. godine



**KANTON SARAJEVO**  
Ministarstvu prostornog uređenja, građenja i zaštite okoliša Kantona Sarajevo  
(Na pažnju ministra Damira Filipovića)

**PREDMET:** *Informacija, dostavlja se;*

*VEZA: Vaš akt broj: 05-05-15502-25/19 RA od 10.05.2019. godine*

"Vezano za Vaš akt broj: 05-05-15502-25/19 RA od 10.05.2019. godine" dostavljamo Vam informaciju u vezi zagađenja naselja Kućice i Grivići koji se nalaze uz potok Vihrica u općini Hadžići.

S poštovanjem,

*Prilozi: Informacija*

  
**DIREKTOR**  
*Fahir Halilović*

*Dostavlja se:*  
1. Naslovu  
2. a/a



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)  
+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Bosna i Hercegovina  
Federacija Bosne i Hercegovine  
**KANTON SARAJEVO**  
Kantonalna uprava za inspekcijske  
poslove



Босна и Херцеговина  
Федерација Босне и Херцеговине  
**КАНТОН САРАЈЕВО**  
Кантонална управа за инспекцијске  
послове

Bosnia and Herzegovina  
Federation of Bosnia and Herzegovina  
**CANTON SARAJEVO**  
**Cantonal Administration for Inspection Issues**

**Broj:** UP-1-14-04-25-09718/19  
**Sarajevo,** Maj 29. 2019. godine

**PREDMET:** *Informacija o postupanju vodne inspekcije u vezi zagađenja potoka Vihrica-općina Hadžići*

Dana 17.05.2019. godine inspektor je zaprimio zahtjev Ministarstva prostornog uređenja, građenja i zaštite okoliša Kantona Sarajevo u kojem ste prosljedili zastupničko pitanje zastupnika u Skupštini Kantona Sarajevo Senada Hasanovića u vezi problematike zagađenja potoka Vihrica u općini Hadžići vezano za stanovnike naselja Kućice i Grivići .

Dana 20.05.2019. godine vodni inspektor je izašao na lice mjesta sa komunalnim inspektorom i urbanističko građevinskim inspektorom općine Hadžići, te je izvršen pregled cijelog terena.

Na licu mjesta utvrđeno je da je potok , inače vodotok II kategorije sreden i betoniran na dijelu naselja Kućica.. U datom momentu nisu primjećeni bilo kakvi dokazi da je nešto ispuštano u vodotok od strane mještana i objekata koji se nalaze uz vodno dobro. Uz vodotok je izgrađeno niz stambenih objekata sa štalama i šupama koje su urađene bez upotrebnih dozvola , a što je u nadležnosti urbanističko građevinske inspekcije općine Hadžići. Na zahtjev vodne inspekcije dana 24.05.2019. godine dostavljeni su nam podaci o vodovodnim i kanalizacionim priključcima za gore navedena naselja od strane operatera JKP "Komunalac " d.o.o Hadžići.

U naselju Kućice za ulice Novo Naselje I, II i III evidentirano je 70 vodovodnih priključaka i 66 kanalizacionih priključaka.

Selo Kućice ima evidentirano 58 vodovodnih priključaka i 5 kanalizacionih priključaka.

Cijelo područje Grivića posjeduje 212 vodovodnih priključaka i 65 kanalizacionih priključaka.

JKP " Komunalac " d.o.o. Hadžići ne raspolaže podatke o načinu zbrinjavanja fekalnih otpadnih voda iz objekata koji nisu priključeni na javni kanalizacioni sistem – da li su u pitanju vodonepropusne septičke jame ili drugi način odvodnje.



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Što se tiče akcidenata/ incidenata koji nastaju usljed iznenadnog slučaja, kvara ili drugih razloga nastala opasnost od zagađenja vode od strane fizičkih i pravnih lica dužni su poduzeti sve mjere na otklanjanju utjecaja i bez odlaganja obavjestiti najbližu policijsku stanicu, vodnu inspekciju, okolišnu inspekciju, agenciju za vodno područje ili operativni centar civilne zaštite. Policijska uprava i civilna zaštita po saznanju o zagađenju, odnosno opasnosti dužna obavjestiti vodnog inspektora, okolišnog inspektora, odnosno mjesno mjerodavnu agenciju za vodno područje rijeke Save.

Mjerodavna agencija za vode ili druga pravna osoba poduzima mjere za otklanjanje ili nastanak opasnosti od zagađenja i poduzima sve mjere radi svođenja posljedica štetnih po okoliš na najmanju moguću mjeru u saradnji sa svim ostalima službama, a što je sve definisano Zakonom o vodama (" Službene novine FBiH", broj 70 /06).

Troškove poduzetih mjera – otklanjanje posljedica snosi pravna i fizička osoba čija je radnja ili propuštanje radnje izazvalo zagađenje ili opasnost od zagađenja.

Iz samog izlaska na teren i izvještaja operatera jasno se može zaključiti da veliki broj stambenih objekata nije priključen na kanalizacionu mrežu ili se to radi na bespravan način, te je neophodno riješiti pitanje bespravne izgradnje putem urbanističko građevinske inspekcije i urbanizma općine Hadžići jer se radi i o objektima starim i preko 50 godina. Naselje Kućice je sređenije i korito je uređenije. Ovaj problem se ne pojavljuje samo na ovom dijelu općine Hadžići, već na svim MZ općine Hadžići.

Napominjemo da je vodna inspekcija svojim Rješenjima poništila 29 ( dvadeset devet ) Odluka o vodozaštitnim zonama izvorišta na općini Hadžići zbog niza nedostataka, odnosno koje nisu urađena u skladu sa važećim zakonskim propisima. Rješenjima su naložena donošenja novih odluka, te su krajem aprila 2019. godine na općinskom vijeću usvojeni nacrti novih Odluka, a u toku je javna rasprava. Vjerujemo da će i ovo doprineti što boljem kvalitetu vode koju piju stanovnici Hadžića i još boljem radu JKP " Komunalac " d.o.o. Hadžići.

*Vodni inspektor*

*Haris Biogradčić*

*Dostavlja se:*

- 1. Naslovu*
- 2. a/a*



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Federalni vodni inspektorat  
Broj: UP1-14-25-2-04012/2019-1403-2  
Datum, 07.06.2019. godine

397/1  
48/4

SARAJEVO	
1	06-2019
05	05 15502

KANTON SARAJEVO  
MINISTARSTVO PROSTORNOG  
UREĐENJA, GRAĐENJA I ZAŠTITE  
OKOLIŠA  
REISA DŽEMALUDINA ČAUŠEVIĆA 1  
SARAJEVO

**PREDMET:** Odgovor na Vaš zahtjev za nadležno postupanje,

**VEZA:** Vaš akt broj: 05-05-15502-25/19 RA od 10.05.2019. godine

Poštovani,

Vašim aktom pod gore navedenim brojem i datumom tražite od strane Federalne vodne inspekcije informaciju u vezi zagađenja potoka Vihrica u općini Hadžići gdje se navodno desio pomor ribe.

Federalni vodni inspektor je dana 30.05.2019. godine obišao navedeni lokalitet i konstatovao sljedeće:

Izvršen obilazak lica mjesta, nije primjećeno uginuće ribe u navedenom potoku i na navedenom lokalitetu. Kako je navedeno u prijavi da dolazi do neugodnog mirisa iz postrojenja za proizvodnju hrane za ribe koji se nalazi u krugu Tehničkog remontnog zavoda u Hadžićima, federalni vodni inspektor izvršio nadzor u navedenoj firmi bez prethodne najave i konstatovao sljedeće:


Subjekt nadzora BOSNET GROUP d.o.o. Sarajevo dao na uvid očitovanje o potrebi izdavanja vodnih akata od strane Agencije za vodno područje rijeke Save Sarajevo pod brojem: 40-460-2/17 od 28.04.2017. godine u kojem AVP Sava Sarajevo odgovara da u objektu za proizvodnju hrane za ribe i kućne ljubimce ne dolazi do produkcije tehnoloških otpadnih voda, te shodno toj činjenici nema ispuštanja tehnoloških otpadnih voda, pa samim tim ne postoji obaveza pribavljanja vodnog akta od strane ove Agencije.

Subjekt nadzora se nalazi u registrovanoj industrijskoj zoni TRZ Hadžići i priključen je na lokalnu kanalizacionu mrežu.

**Dostavljeno:**

- 1 X Naslovu
- 1 x Evidencija
- 1 x Arhiva

M.P.



Dženar Šalo